


docstoc.com
入驻商家
在文川网搜索古籍书城 获取更优电子书

中國方志叢書·華中地方·第二二號

據清·阮升基等修·寧楷等纂
清·嘉慶二十一年刊本
影印

江蘇省

宜興縣志



skb2563

成文出版社有限公司印行



R
A-18

11840

中國方志叢書·華中地方·第二二號


據

清·阮升基等修·寧楷等纂
清·嘉慶二十一年刊本

影印

江蘇省

宜興縣志



3425/03

成文出版社有限公司印行

D
K
H5
100



10098231

中華民國五十九年 月壹一版

宜興縣志

全二冊

發行人：**黃成助**

出版者：**成文出版社有限公司**

台北郵政信箱二二六〇五號
台北市羅斯福路三段279之二號
電話：三七〇一三二號

印刷者：**東南印製廠有限公司**
和平西路二段70巷83弄29號

內政部登記證內版台業字第一一四七號

docsriver 文川网
入驻商家 古籍书城

在文川网搜索古籍书城 获取更多电子书

重刊宜興縣志序

明危山

郡縣之有志書者所以載山川民物風俗事蹟之詳悉也使其書不全將何以備參考乎宜興為常之屬邑地雖偏僻而山川之秀民物之盛風俗之醇其事蹟又甲於他邑故杜牧之蘇東坡嘗買田築室於此實為圻內之大縣也舊志作於周子隱今所存百中之一二耳後有續者而譜帙散亂傳至於今又多缺訛縣令樂安鄒君旦丞鄱陽李君暉皆有學識者也顧是書之敝屬予修之又得丞上虞竺君俞廬山趙君良簿新城王君能幕賓樂平朱君輝僚佐一心亟欲成之因取舊時抄卷重加修飾其事物有缺失者又命邑人王文輩徧搜備取於是繁者去之訛者正之缺者增之編集成帙分為十卷以壽錢梓因謂志書有關於政事尚矣然有司不可不重昔高帝人關諸臣皆以金帛財物是取獨蕭何先收丞相府圖籍藏之使帝得具知天下阨塞戶口多少強弱之處噫若蕭何亦可謂知先務者矣今宜興諸君以志書為急如是非知先務而何書成一邑事蹟之詳悉可以備參考矣但去取未當而葫蘆依樣之譏滄海遺珠之歎不能免者惟以俟後之君子倘有以補削之庶幾亦斯文之幸也

重刊宜興縣志舊序

西蜀陳遵璋

周官志統於史氏所以察民俗稽吏治而礪世訓俗之大端也秦興罷侯置守而縣邑通為志矣即不領於史氏亦邑之史也第史美惡並書以垂勸誡而志主於紀美體差異焉然能使有志者屬慕而不肖者亦以反觀而內愧或微其詞以示貶即孝子慈孫不能增損其閒殆所云以勸為誠者耶宜興志創自子隱而二單嗣之厥後未有聞及我皇祖定鼎金陵麗畿甸者名邦相錯而宜興稱巖邑焉正統閒邑大夫鄒公且能以纂修為急屬其學博危君山輯而成志事具危序中然太史公稱孔子作春秋隱桓之間則章而哀定之際則微厥旨深矣故參修者事非博之難而難於核文非工之難而難於直夫留與存非古之難而難於今故華之學乾筆綜其煩操其衡乃稱能志也

重刊宜興縣志

陳序

二

字齋王先生少志聖賢之學以狷介自持而於書無所不讀窺其中裕如也其識炯如也蓋邑人士翕然宗之矣予于公暇見舊志久墜觀省未備而以屬王先生先生以老辭再強之乃許余請而與邑中諸君子共纂錄之俯撝近攬纖巨畢陳俾夫譌者正逸者存微者顯缺者補屬任晚近而舊志所未及者各以類入一切考之輿論無閒言乃始彙為十卷而成書蓋粵秦漢而迄於茲如次諸字云時

少宰檢庵翁以太夫人假還少宰國史官也卜築於宜而家焉子謁公請公以史律志而假一言之重以垂不朽公歎曰夫志也事核而不溢文簡而不靡例嚴而不苛取善廣而不徇存疑辨武標形會景煩疏有體而不放吾乃知王先生諸君子果能相與以有成也予邑令也不與有精乎出是不佞之王先生所謀授之剗且以諭王先生曰公之志於輿地見山川之毓秀於營建見宮室樓櫓之壯麗於官師則長令以下誰敢不動色相戒於食貨則軍儲所需能不愀然危恐自是而選舉而人物而藝文夫孰非邑之華而足以誠且勸者哉然予反覆於志之始末而竊有慨也蓋宜俗故稱樸厚爲江左望卽吾鄉先哲蘇長公以文章節義雄長天下而乃擇里於宜宜之醜俗可知也不佞以樗材學製於此而適遭祲時拮据撫掌余固哀宜之艱而宜亦安余之拙凡四歷年所矣閒余莅政之暇觀風問俗則不無今昔之感蓋今之聲名文物或視昔過之而困輪旣斲土埴爲樽如長公所稱地僻民儉者不逮矣此豈山川鬱氣久而洩耶抑漸靡使之然耶抑亦無識微之君子因其流而挽之耶夫萬古此溪山耳而令後之人追咎宜俗之入於漓自今日始可乎哉且考古今之變察漓漓之繇以無忘先進之風以不失蘇長公以來及太史

重刊宜東縣志

卷首

東序

三

諸公卜居之意則有是志在王先生拜手謝曰夫必端本澄源爲吾宜圖久遠甚盛心也老夫耄矣無能爲矣其自今以後嘉父母之賜藉之

重刊宜東縣志

卷首

陳序

四

重刊宜興縣志舊序

邑人徐顯卿 檢庵

宜興去吾蘇三百里而近相傳毛萇由張公洞入東行從包山林屋洞天出其事不可迹亦足明地脈云余自諸生赴都時入其邑樂其山川土風逮入仕病告在里會當避地遂占籍于斯探諸名勝得芙蓉嶺構亭栖息久之病良已逝朝又十年扶持太淑人歸始築室長橋之南奉先大夫祠而遷焉時邑令陳侯修志書成謂余邑人也屬之序余謝幸甚明府遠邑人我夫周官外史掌四方之志志猶史也宜興爲江表名區故無紀述自晉周孝侯有風土記宋單氏續之正統間鄒令且以屬訓導危山因舊編而節

重刊宜興縣志

卷首

余序

五

之成縣志更七十年正德之季韓令儒以屬教諭林文聰重修又七十年爲萬歷初韓令容延楊別駕阜李學諭延謚暨諸文學分任參考垂成而韓以制去事遂已今陳侯蒞政三載重本力端士習化行訟簡文教聿興一日抱韓侯遺稿造王別駕升周學諭國賓而屬之重訂王君篤行好古相與博採羣史蒐遺闕隱芟繁去譌輯成新志十卷首輿地而次營建重民社也先食貨而後學校循養教也官師而後人物究化原也忠義而後文藝權本末也他如引金陵志以證銅官由漢鑄山得名而力辨袁玘降棺之謬據晉史以表孝侯臨難慷慨徇義而不襲其家傳之諱

稽蔣氏世譜以續雲陽亭侯默于封統收單鏐水利之策

以俾於時務而悉補舊籍之所缺遺改正蘇文忠於僑寓敘其遷逐不偶匪獨沾沾於焚券一小節大都會要而折其衷實爲一邑之信史矣而余則謂志以徵文獻亦所以昭治理志以紀見聞尤所以重勸戒昔王澄問陳留人士吏舉蔡子尼江應元其他官位弗及也澄歎曰舊名此邦有風俗小吏亦爾蓋古人所謂土風以道德爲重者如此宜之風俗志所稱信直消遙至於今不無小異然視他邑鮮情竄淫侈奇衰黠偽之習齊民盡力農桑巨室無歌舞聲豔又以僻故不甚被兵革舊家大族能根據數十世以

重刊宜興縣志

卷首

徐序

六

上所從來相保不艾要在長吏率先而訓植之而邦之士大夫益務砥礪其名行爲庶民倡俾前有模範而後有矜式斯志所爲重也不然山川勝概與天地俱封場所屆帝王經畫其餘沿革損益各因其時卽紀述弗遺亦文具焉耳矣何當于師帥指乎茲非不佞樂居之意云爾余職史氏蓋嘗修國史矣請以史例志可哉陳侯曰是吾志也夫是吾志也夫侯名遴璋別號劍華四川富順人丙戌進士纂修諸君子自王別駕而下俱邑之名士備列左方

重刊宜興縣志舊序

營州李先榮

宜興為毘陵名邑山水秀發人文蔚起如震澤荆溪之滙注銅官南岳之聳拔蜀山蛟橋之勝蹟張公玉女之靈異往往聞而慕之歲乙丑得承乏是土甫入境即摻其志乘乃散佚磨滅幾不可識詢厥所由蓋以俗疲民敝逋賦日積

國朝定鼎四十餘年易令凡二十有一人或二年去或一年去甚或以數月去民視官如羈旅官視邑如傳舍救過不暇百凡墮壞邑志之散佚磨滅又何怪乎余媿瑣劣繼踵前人益兢兢滋懼戴星出入惟錢穀簿書是校奚有餘力為纂述事竊念

卷首

李序

七

天下明聖遣使圖繪天下名山川為一統志訂訛證誤不遺荒遠而宜邑江國名區幸際

昌時顯使邑乘弗備四境不知亦負職取戾之一端也爰問邑紳徐竹逸先生先生曰某因其舊文增以近製稿具矣需明府潤色之即可付梓余於是取而披閱審定之事核而辭達例嚴而義該與曩之散佚磨滅者迥不同矣遂督剗刷氏竣工焉夫邑志之設匪獨取其文詞之博洽已也政教風俗於是寓焉記曰修其教不變其俗齊其政不易其宜夫亦言其常耳若宜邑當積弊之後非改絃而更

張之惡乎濟惟邑賢士大夫錫之嘉謨以匡不逮俾獲幸告無罪將百凡之墮壞者修復尙有期也茲志其先之者矣

重刊宜興縣志

卷首

李序

七

重刊宜興縣志舊序

邑人徐階鳳

粵稽周官外史掌列國之志然周千八百國未聞有以志傳者至漢班固始以禮樂刑法分著十志而亦不屬之列國惟陳壽撰蜀魏吳三國志而世稱其善敘事後之史家恆以志列於紀表傳贊而不專以志名書雖鄭樵合諸史為通志而其體仍歸於史余嘗反覆考論志為史中之一目而實兼紀表傳贊之義但三國志通志以志為史故善惡並載有勸有戒若近世郡邑志載善不載惡以勸為戒任其事者其難有九前人所遺而修者摻羅弗廣不能補其闕略是曰紕漏其難一前人有所誤而修者較核弗

精不能剔其訛謬是曰因循其難二往代之蹟以人亡而

一

故刪之目前之事以人存而附入之是曰忘遠暱近其難三揚前代之美鋪張過實述近時之行簡略無文是曰尊古薄今其難四世家巨室無美而諛之單門寒賤有善而抑之是曰趨熱遠涼其難五前不考信於書史後不咨詢乎父老而任意為增損失則妄矣其難六心之所好則錄之心之所憎則擯之而違眾以去取失則私矣其難七務為新奇奧僻之詞上無關於政治之得失下無裨於風俗之消滴失則浮夸其難八喜為索瘢摘瑕之論或以一罅掩大德或以未節棄生平失則刻覈其難九其難如此余

胡為任其事乎蓋康熙癸亥秋廬郡侯崇義延余修郡志

辭弗允遂與五邑紳士分任其事甲子秋蔡邑令司霑延余修邑志余知其難辭之再學諭顧君智王君在豐語余曰郡志五邑所共先生猶任之宜志何可辭乎於是翻然任之第襄事者僅得潘文學大儒陳儒士維岱同居志館披閱舊本商酌新條匝月而規模粗定余又攜稿願息齋中獨為訂正芟其繁補其缺辨其訛作小序論說跋贊三十餘首綴於各卷中雖危言諺語竊欲少補於吏治民生人心世道也然而余之任事有三罪焉今

天子聖文神武合海內外從欲嚮風在廷侍從皆舉夔伊

一

傅之才會典正在纂修制作隆於千古爰彙郡邑志以成大一統之書甚盛事也余以庸質淺學僭掌外史之職備天祿石渠之採輯才不勝任罪一宜邑薦紳先生或養重林泉或究心理學或古道相尚力挽澆薄之風品望足以壓眾器識足以成務者不乏其人余以少賤習鄙凡山川風土兵賦事物稍能通曉而於聖賢修省身心之學欲實踐而未能德不堪任罪二宜邑山水明秀英賢蔚興巍科顯爵雖不及前其身列詞翰之苑秩居撰著之席者踵相接也余以薄宦歸來自放於山椒水湄日與樵漁為伍甘心貧賤歷廿餘年一齊民耳分不宜任罪三辭九難而不

獲受三罪其奚疑閱五月稿成授梓乃蔡合緣事工遂輟
迄丙寅秋李邑侯翼南蒞事期月才敏守堅民安吏肅百
廢漸興一日詢及邑志余以剗剗未完告侯慨然曰志雖
一邑之書而朝廷之大經大法於是乎昭地方之大利大
害於是乎辨官長之教養士民之習俗歷代之文獻悉於
是乎徵烏可有稿不梓無以彰同文之治乎卽細加潤色
捐俸鳩工刻期告竣嗟乎余於是不能無慨矣宜志自萬
厯己丑王別駕升修後至康熙壬子史令君宗堯奉上檄
延史司理夏隆吳司理晉剡陳檢討維崧任文學源祥協
修而未成甲子秋蔡令君奉檄延修稿雖具又緣事而未
梓必待李侯運斧於盤錯之中不數月而聿觀厥成豈邑
志一書成不成亦有數乎抑亦任事者之力不力耳李侯
將有改建政堂整葺譙樓之舉此皆垂久之功可爲百世
甘棠視彼以官署爲傳舍者其度越豈不遠哉修志成例
得敘其事於簡端余思修志大義陳邑侯遴璋家少宰顯
卿詳哉言之余何庸贅第述任事之難暨任事之罪以告
通邑之人俾後之覽者亦皆有感於余言云爾

重刊宜興縣志

卷首

徐序

士

重刊宜興縣志卷首

凡例

一宜荆舊係一邑泥合志之說者謂未分縣以前一切
土田賦稅人物學校合載前冊斷無可分執分志之
說者謂既分縣以後職官賦稅人物學額盡然分隸
不能復合今則斷自雍正三年以前定爲宜興舊志
蓋視徐志又增四十年矣自雍正四年分縣以後曰
新修宜興縣志曰新修荆溪縣志凡此一遵
國家定制不敢以己意妄存分合之見也

重刊宜興縣志

卷首

凡例

主

一縣志自康熙二十五年徐司李修後百一十二年未
有續編閒訪前事半多湮沒茲則採輯舊文諸諸遺
獻粗加釐訂追續前書以俟識者鑒定之
一舊志內惟古蹟一條分志不必重見其餘如寺觀橋
梁各條於分縣後或有重修創造者仍須詳載否則
亦不重出以免複沓
一王徐二志有與正史不符及正史雖無明文而他書
足據者其中確有譌舛酌加改定並附按於下凡以
考據宜精非妄爲改竄也
一志中有在官無案可稽如人物封廕各條有在鄉採
訪難遍如名人邱墓未旌列女各條止據現在開報

者書之此外或有闕失搜羅所及已入補遺

一田賦遵 功令分志內自應據現在者書之若朱元明以來有可考證者錄入前編舊志中以明制度所由叻亦考古之一助也

一獨販入之田賦卷中詳開年分獨數并錄民捐議敘于後一以見

國恩稠疊一以見民風淳厚垂示來茲庶共知勸勉爾

一志書以人物爲重若輿圖沿革疆域山川風俗田賦學校武備種種皆有關係亦未可略故據古證今務求詳備

軍刊軍軍軍軍 卷首 凡例

三

一學校關係風化甚大凡有碑文記序概載本條之下以其文之有功名教也至書院書籍禮器樂章皆以修明禮樂移易風俗宜悉增載

一分縣後有分而未分如城垣學宮諸項種種合一其有分隸殊制者則兩載之或制本合一則詳書於宜志而於荆志則曰詳見宜興新志庶爲煩簡得宜

一選舉中科甲後繼以諸貢恩拔副歲之外其由廩增附加貢者現在國子監中定以正途之目自宜一體登載其由俊秀納粟而入仕者列例仕條未入仕者

不書至於武庠報捐貢生現奉新例必須先行赴部

注銷始準加捐自不得濫載

一舊志選舉科甲諸貢封蔭內開有一二褒獎語殊非志體今特照原本分類另編附錄人物志之末其已有傳者不贅

一人物志所載名人取其事業文章可法可傳者載之雖生平偶有一二遺行自宜略去或其人有一二善行可稱亦宜登載以明善善從長之意至舊志所遺而善行流傳有確據者亦爲補入

一舊志人物傳中孝友文苑行誼諸條仍而不變至儒林一條易以理學義爲較切其餘如廉慎循良俱併入治績條內惟勳德二字古人中如伊呂周召始當

之無愧後世如武鄉侯汾陽王千載寥寥不易觀今特芟去以其中之人物散布各條亦曰紀事必求其實選言必居其要而已

一當官以忠義爲本處變處常初無二致一切名臣忠節正直等義包括無遺冠諸人物之首竊謂闡揚已極至若一介寒微捐軀殉國如河西傭補鍋匠當其精誠所激亦復何愧聖賢被視崇階高爵泡影粃糠正不得以勢位懸殊遂謂不宜並列也

一人品之是非高下蓋棺乃定若其人尚在雖輿論鄉

軍刊軍軍軍軍 卷首 凡例

十四

評確可共信未敢輒人以破成例藝文內所載亦然
至人物舊志或并書號茲從紀傳體概省之

一列女已旌白宜詳載其未經請旌而青年矢志苦節
完貞有確據者無論已故未故一體登載

一詩文取其有關山川古蹟祠宇寺觀者既附各條之
後此外尚有名人詩文卷帙浩繁不能盡附者彙錄
之為藝文志其餘文辭雖工與志無涉概不濫登

重刊宜興縣舊志目錄

卷首

序

舊序

凡例

目錄

纂修姓氏

縣境全圖

縣城舊圖

學宮舊圖

卷一疆域志

星紀

疆域

沿革

山川

水利

區圖

風俗

土產

卷二營建志

重刊宜興縣舊志

卷首

目錄

一

城垣

公署舊署附

倉庫

壇署亭館附

壇廟

坊表

橋梁

郵所

舖舍

卷三田賦志

戶口

科則

解支

漕運

雜稅鹽漁蘆課附

積儲

蠲賑

卷四學校志

學宮

四祠

禮樂器

卧碑

學額

學田

書院

社學

鄉飲

鄉約

卷五職官志

守令

僚屬

學秩

武秩

爵秩

名宦

卷六武備志

營制

武事

阨塞

卷七選舉志

徵辟

進士

舉人

諸貢

科名附考

武進士

重刊宜興縣舊志

卷首

目錄

二

武舉

例仕

封贈

蔭叙

忠義

治績

理學

孝友

文苑

行誼

隱逸

僑寓

附錄

列女

卷九古蹟志

遺址

名勝

碑刻

邱墓

卷十藝文志

奏議

序

記

題跋

賦

五古

七古

歌行

五律

七律

五排

五截

六截

七截

詞

卷末

藝術

寺觀

方外

祥異

軼聞

重刊宜興縣志

卷首

目錄

三

重刊宜興縣舊志卷首

纂修姓氏

總裁

知 常 州 府 事 胡觀瀾

主修

知 宜 興 縣 事 阮升棊

署 宜 興 縣 事 牛兆奎

同 知 署 宜 興 縣 事 蔣勵宣

知 荆 溪 縣 事 唐仲冕

知 荆 溪 縣 事 段琦

署 荆 溪 縣 事 高伯揚

協修

宜 興 縣 教 諭 季書錦

宜 興 縣 教 諭 路一德

荆 溪 縣 訓 導 史采

總修

原任涇縣教諭 癸酉舉人 甲戌明通榜掌教 蜀山書院 審楷

參訂

封 儀 縣 教 諭 潘時敏

原任宜川縣知縣 辛卯舉人 路學宏

原任崇安縣知縣 己丑進士 汪煥

貢 生 湯紹寬

貢 生 徐瀛士

貢 生 李士傳

生 莫峻明

分修

舉 人 蔣騏

舉 人 戴勉

舉 人 宗杏標

舉 人 沈兆升

舉 人 周葆元

舉 人 潘恩發

舉 人 吳甯宇

舉 人 李星

舉 人 萬寶

貢 生 潘允喆

貢 生 萬之蘅

貢 生 儲楷

貢 生 儲徵甲

校理

重刊宜興縣舊志 卷首 纂修姓氏

翰林院檢討 潘東耀

舉人 曹煥

舉人 汪坤厚

貢生 周芳

貢生 路應求

生 戴樹穀

生 徐灝

生 徐景棠

生 蔣景昌

監生 潘玉珂

監生 李烈

監生 任朝楨

監生 儲葆先

監生 周星垣

監生 徐經權

監生 任葆真

童生 欽廷槐

督刊

湖廣巡檢 喻榮疆

宜興縣典史 王蘭璧

重刊宜興縣志 卷首 纂修姓氏

荆溪縣典史 王衡

副副


生 胡駿

重刊宜興縣志 卷首 纂修姓氏

全境圖說

周禮大司徒掌邦國土地之圖周知九州地域廣輪之數職方氏掌天下之圖地辨九州之圖使同其貫而又司險掌九州之圖周知山林川澤之阻誦訓掌方志以知地俗是有志必有圖宜雖一邑將欲志其廣輪志其貫利志其險阻非冠之以圖曷以按籍而稽哉第徐志圖多舛漏且橫巨數幅方位不明今詳加考核綜諸尺幅之中庶缺略去而方位明差為詳備云

全境圖



docsriver 文川网
入驻商家 古籍书城

在文川网搜索古籍书城 获取更多电子书

重刊宜興縣舊志卷首

城垣圖說

宜興城小而固東西南三面縈繞兩泖會合以達北城運河環之雉堞參差萬家烟火冠之以圖而邑屋之繁華形勢之險要一寓目而盡得之

宜興縣志卷首

卷首

二

城垣圖說


圖而係之以舊不忘其朔也士食舊德之名氏農服先疇之吠畝于今雖分而版圖比連綺交繡錯兩邑人士更無此疆彼界之心則寓合一于全境圖中亦猶存念舊之意也

城垣圖

卷之九

九

九



城垣圖

皇朝全圖卷之九

卷之九

宜興以一城分隸二縣大抵以西半城為宜興東半
 城為荆溪自北門至南門中分其界市井交通帆楫
 停泊往來者不知有兩邑之分也故彙為一圖實亦
 以城垣之無可強分爾

重刊宜興縣志卷之首

學宮圖說

學校重於三代至秦而廢漢祀

孔子於闕里唐宋元明皆祀於廟

國朝因之而學宮之重萬古為昭圖之所以明慎重也


徐志敏有圖其制畧仿但西齋後有儒署而無東齋

後之儒署射圃亭已圯仍係之西偏與制稍有不符

今特為增損觀舊加詳密焉

宜興縣志卷之首 學宮圖

學宮圖



文廟爲

先師而設殿宇宏敞正位乎中以示尊也前設啟聖祠湖
所生也後爲明倫堂尊其教也至鄉賢名宦祠以降

儒術以勵官方制茶詳矣覽斯圖者知

國家尊崇學校獎勵士林會典勸勉以無負

作育人材之至意斯庶幾焉

重刊宜興縣舊志卷之一

疆域志 星紀

星隨天轉動也野以地分靜也以至動之星配至靜之野何能尺寸相符然熒惑守心於宋寶沈為祟於晉李邵識二使之入蜀薛頤奏四德之分秦往往奇中蓋星麗乎天躔度或移而其精氣所屬確有定位如五行之寄五方面不在以形跡求也況有遲留有伏道有飛孛識者徵之休咎自見故唐書山河兩戒考以地證天第甘石家推測之法自有專門姑列之以俟通其術者揚州之域天文所屬乃斗牛女之次 周禮保章氏註星

重刊宜興縣舊志 卷一

星紀

一

紀吳越也 帝王世紀曰自牛十一度至女七度吳越分晉書南斗十二度至須女七度為星紀 唐書南斗室牛星紀也 元史斗四度三十六分六十六秒入吳越分

重刊宜興縣舊志卷之一

疆域志 疆域

天辨分野地辨方輿地主靜故云方地主載故云輿然統言之則為方輿析言之則為疆域此都會郡縣之所由起也即一邑之中城鄉都鄙界畫分明主治者斯有條理焉志疆域

宜興疆域廣袤之數宋以前不可考已載在咸淳毘陵志者曰東西百六十五里南北百十四里東九十三里入平江府吳縣太湖中沂洲西陽一云洞庭山西七十二里入建康府溧陽縣對埭村南六十里入安吉州長興縣垂腳嶺分水北五十四里入晉陵縣孫墅村是為四正之境東南入

重刊宜興縣舊志 卷一

疆域

二

十四里入長興縣義鄉山西南百里入廣德軍廣德縣伏牛嶺東北六十五里入晉陵縣百濟口舊志六十里入西武進陵臺村北九十里入鎮江府金壇縣是為四隅之境宋景成化毘陵志謂明初重加揆度廣百六十二里袤百四十里東南西南三界同咸淳志北界抵武進縣黃土橋唐鶴徵陳玉璣常州府志並因之三書皆言正而不及隅萬歷時王升縣志乃以東西為百九十里其所載四正四隅惟西之苻埭村與咸淳志同其東則云抵蘇州吳江縣界太湖中項沙洲九十里南抵湖州府長興縣界啄木嶺分水八十里北

抵武進縣界黃土橋六十里東南抵太湖長興縣界浮山嘴七十里西南抵廣德州溧陽縣界分界山百里東北抵武進舊志作無錫縣界百瀆口七十里西北抵金壇縣界就洛村七十里康熙閒徐嗜鳳縣志因之據今兩縣之境考之與各志所言舊境有同有不同爰以今所定者著於篇

宜興縣舊境

東九十里至太湖中項沙洲蘇州府吳縣界

西七十里至渡濟橋鎮江府溧陽縣界

南八十里至啄木嶺浙江長興縣界

北六十里至五洞橋陽湖縣界

真州府舊境

卷一

疆域

三

東南八十里至董塘浮山嘴浙江長興縣界

西南百里至伏牛嶺分界山安徽廣德界

東北六十五里至百瀆口分水墩陽湖縣界

西北九十里至就洛村鎮江府金壇縣界

由宜興城百二十里達于府二百九十里達于蘇州府三百六十里達于江甯府二千四百八十里達于

京師由縣城至無錫縣百四十里至溧陽縣九十里至金壇縣百三十里

朱唐陳府志俱作百二十里至廣德州百八十里至浙江湖州府百四十四里至長興縣百四十里至德清縣百八十四里各志舊載併附書焉

重刊宜興縣舊志卷之一

疆域志 沿革

歷代肇興首稽輿地規模巨異名號各殊凡載諸史册者班班可考然或數代相沿或一朝屢改即在一區中亦具有盛衰興廢之迹今悉著於篇為居今稽古者之鑒云

鑒云

唐虞夏商時地屬揚州

周初屬吳元王四年越勾踐滅吳遂屬越顯王三十六年

楚威王滅越又屬楚

秦并楚置會稽郡始為陽羨縣以屬之

重刊宜興縣舊志

卷之一

沿革

漢高帝十二年以縣為陽羨侯封國 荆令尹 陽羨以 仍屬

會稽郡文帝十二年國除仍為縣光武時為陽羨邑順帝

永建四年邑人周嘉上書以吳越國周旋萬一千里浙江

山川險絕求得分置遂析浙江以東為會稽郡浙江以西

為吳郡以陽羨屬焉

三國吳寶鼎元年析吳郡之陽羨永安餘杭臨水烏程及

丹陽郡之故障安吉原鄉於潛凡九縣置吳興郡統之

晉惠帝永興元年以周玘三興義兵討賊有功割吳興之

陽羨并長城縣之北鄉置義鄉國山臨津并陽羨四縣又

分丹陽之永世置平陵及永世凡六縣立義興郡以表其

之功屬揚州

宋武帝永初三年割陽羨義鄉及宣城之廣德吳興郡之

故部長城五縣相近地增置綏安縣 今長興縣 故綏州 屬義興郡

至明帝泰始四年 宋志作元 嘉六年 以義興郡屬南徐州

今丹

齊武帝永明二年以義興郡屬揚州尋復屬南徐州

梁陳二代義興郡俱屬南徐州領陽羨臨津國山義鄉綏

安凡五縣

隋文帝開皇九年廢義興郡改陽羨縣為義興縣省義鄉

國山臨津三縣入之屬常州府 常州後改 為毘陵郡

重刊宜興縣舊志

卷之一

沿革

唐高祖武德二年改義興縣為鷺州仍分置陽羨臨津二

縣屬之國山遂廢七年又改鷺州為南興州 唐志依通典

之仍置義興陽羨臨津三縣屬之八年州廢并省陽羨臨

津獨存義興縣仍屬常州府至肅宗乾元二年割義興縣

屬潤州 今鎮江 三年復屬常州府 常州天寶開改為晉 陵郡又復為常州

宋太宗太平興國元年避諱改義興縣為宜興縣

元世祖至元十五年升宜興縣為宜興府二十年仍為縣

二十一年復升為府仍置宜興縣以隸之元真元年府縣

俱廢止立宜興州仍屬常州府

明太祖洪武二年改為縣屬常州府

國朝因明舊制宜興縣屬常州府雍正二年兩江總督查
弼納以宜興賦重事繁題請分爲兩縣三年析宜興縣與
屬置荆溪縣並隸常州府

宜興縣志

卷之二

沿革

三

重刊宜興縣志卷之一

疆域志 山川

山嶺巖峯芥塢合載

君山在縣西南二十里舊名荆南山俗名銅官山高二百
三十仞楚周一十五里爲一邑之鎮風土記云東漢袁
玘爲陽羨長逆知水旱每言殿當爲神後無疾而終一
夕風雨晦暝亡其棺邑人友聞此山有數千人營且亟
往視棺在焉走白縣吏民羣至則棺已瘞藏惟見石塚
石壇旁有竹枝如馬鬣遂神之爲立祠或傳祀之亡天
賜銅棺以葬或云山昔產銅有司采之故名銅官上有
龍潭產蜥蜴禱雨輒應唐陸希聲詩有君山爲翠接青
冥之句都穆有南嶽銅官二山記


南嶽山在縣西南一十五里卽君山之北麓孫皓旣封國
山遂禪此山爲南嶽其地卽古陽羨產茶處詳名勝
香爐峯在君山正南兩石筍開突起圓峯峭不可登俗又
號雄爲頭舊有金鷲山疑卽此

象嶺在南嶽左

馬面山在南嶽東

仰高山在石亭埠南馬面山之右

丹山在南嶽西



圍塢在縣西南十五里四圍皆山中有泉石可愛又有大
同塢小同塢俱相近

山花嶺舊名楊梅嶺在君山西昔產蜜楊梅入貢任昉謂
其病民奏革之

皂莢嶺在山花嶺北

陽嶺在君山西北

嶼山在南嶽西

柘塢在嶼山西

薔薇塢在縣西南二十五里六平村南地多此花故名

清流塢在縣西南三十里與潼渚相近

重刊宜興縣志

卷一

山川

五

紫雲山在薔薇塢東大蘆山北內有徐文靖祖墓

蒼山在津濟南

橫山一名大蘆山在薔薇塢南君山之西麓上有禪寺

芙蓉山在縣西南三十里君山之南麓眾峯簇擁望之若

芙蓉故名直南正與龍池對山有寺唐大統禪師曾建

道場詳寺觀

西嶺山在大蘆山西其形如飯雲氣騰湧若炊故名

小心山一名敷金嶺在縣西南三十五里為君山之西峯

其下河泉皆金色

茗嶺山一日崗嶺在縣西南八十餘里山脊與長興分界

宿茶神俗 謀劉秀廟 舊多茶較離墨尤勝俗稱廟前廟後茶者是

象山在茗嶺北青峯入雲層巒劍蓋有盧忠肅公祖墓

正幹山在茗嶺東北

向山在茗嶺北與正幹山相連外口頗隘中極寬平良田

可五六百畝居人可數百餘家東通長興西通廣德可

以避亂在茗嶺西十里巉巖壁立仄徑通人下臨深澗

時聞瀑布聲乃象山之門戶

瑤魯山在向山東北疑卽唐志所稱瑤蘭山

蘭甸山唐志茗嶺直北曰瑤蘭山右一枝曰蘭甸山再右

曰龍池山

重刊宜興縣志

卷一

山川

六

柏山岡在向山北

丁山在向山北此山在縣西南七十餘里與東丁山別

祖山在東霞埠南

長岡林在茗嶺北一名石義山疑卽唐志馬耳山兩峰尖

聳如馬耳登其巔有舊城基相傳明初有徐萬戶據之

或曰有避亂者居之藉以拒盜今在永豐十七圖

篆嶺在向山東

石屑界在向山東

龍池山在縣西南七十里山巔有池池中多蜚蜴山下有

洞曰陳公洞詳名勝

白雲巖在龍池山巔詳名勝咸淳志成化志有白雲巖

王志徐志並載今考之無所謂白雲巖者核舊志所云峻逾百仞上有龍潭雲氣常蒸繞禱雨輒應其即龍池

白雲巖無疑

伏虎巖在龍池山巔稍西詳名勝

長嶺在茗嶺東

大嶺在長嶺東從茗嶺往東省莊道必經此

水竹山在龍池東南

潘山在龍池東南

陽嶺在潘山北

長龍山在陽嶺北龍池山東

重刊宜興縣志

卷一

山川

七

慕石芥在陽嶺北分水嶺南

分水嶺在龍池北

嵩山在縣西南三十五里分水嶺東

仰嶺在龍池西北

東蔣山西蔣山在龍池西

白雲洞山在龍池西北此山名非洞名也

上葛山下葛山在仰嶺西

箬山在縣西南五十里祝陵南山徑平坦東達川埠王志

云箬嶺即箬山今考縣西南八十里另有箬嶺

銅坑山在龍池西

玉帶山在祝陵南

黃龍山在玉帶山南

沿溪山在張渚鎮北與獨山對峙茗嶺之水皆會於此兩

山實逆鎖之在天頂山北二十里

離墨山在縣西南五十里九嶺相連高一百二十五仞臨

蒲壑潯東相傳仙人鍾離墨得道於此故名山頂產佳

茗芳香冠他種

國山在離墨西南三里孫吳時有大石自立又有石立十

餘丈皓侈以為瑞遣司徒董朝封之改名國山立石頌

德其形如鼓俗呼國碑詳見古蹟又呼為董山以董朝

重刊宜興縣志

卷一

山川

八

所封故碑文兼篆隸年久剝壞乾隆甲寅年荆令唐仲

冕搆石亭覆之又自為記勒石

善權山在國山東南

龍巖在善權山有洞曰善權洞詳名勝

茗山在縣西南五十里

三州山在襄王嶺西南東界長興西界廣德俗名茅山

襄王嶺在縣西南九十里係三州山東幹

道地嶺在襄王嶺東

太華山在襄王嶺東北山極高峻其頂有寺名九峯禪院

明嘉靖年建西曰黃坑界石壁峻峭如畫東曰北川界

其澗皆西北流匯成大澗至龍嘴潭

穀嶺在縣西南九十里太華山西北東出曰石門西出曰

龍嘴

石門山近穀嶺有石門庵

天頂山在石門東長岡林西北萬山中巍然獨秀

海岱山在天頂山北形如半環有武進唐鶴徵祖墓下有唐家莊

大母峽在穀嶺北

橋亭山在大母峽西係南北通衢

鳳姑嶺一名王古岡在大母峽北

靜山在鳳飛嶺西

重刊直隸縣志

卷一

山川

九

鳳飛嶺在縣西南七十餘里有鳳飛庵其西峯曰雞籠

山與嶺相連互

橫山在鳳飛嶺西弔橋北其西近烏溪壩

小賢嶺大賢嶺在鳳飛嶺北

虬山嶺在大賢嶺北其東為張渚鎮

獨山一名嶺山在張渚鎮北其形如象與沿溪山對峙張

渚水口東岸之山至沿溪山止西岸之山至獨山止距

天頂山二十里

梅子嶺在虬山嶺北宋建炎三年巡檢方允武與金兵戰

歿於此按自穀嶺而北諸嶺迤邐相接嶺西為金泉澗澗皆西流入西泮渚嶺東為永豐澗澗皆東流

入張

獅守山在梅子嶺北

九條岡在梅子嶺西北

煙山在縣西南五十里與離墨山相對上有漁磯臨深谷

舊傳孫堅釣於此

羅漢山在煙山西南

雞籠山在煙山東北

大金山在煙山南

藕山一名藕節山在煙山西

石牛岡在煙山西

重刊直隸縣志

卷一

十

茶山在藕山西與俞山對峙為金泉區諸山水口

魯山在茶山北西臨寧陽河

潑活界在縣西南九十里三州山西

天井潭山在潑活界北其南為襄陽村其西為西井村與

鮑娘山對峙

鮑娘山在西井西

太平山在三州山西上有正覺庵

分界山在縣西南百里太平山西入廣德界山甚平坦

深洞山在分界山西

箭嶺在深洞山西

伏牛山一名金牛嶺在縣西南百里舊志深陽分界今考與廣德分界

黃石峽在箭嶺北有黃石庵泉石可玩

乾元峽在箭嶺北峽底有高石峯名仙人石

箬嶺在箭嶺西邑西南境止此

庵基山在乾元峽西與廣德深陽界

武花山今名鳳凰山在黃石峽北

礪山在武花山北其形方頂平如礪王志云自小心山連

互而起下有金泉徐志云下有泉自章山出炯炯如金

流入慈湖溪故以金泉名其鄉云

重刊宜縣志

卷一

山川

十一

大龍山在礪山西

長山在縣西南九十里釣橋西長十餘里奇峰峭立下有

沸泉按太華山水自東南來乾元峽諸水自西南來滙

昔如沸故舊稱沸泉

章山在長山北綿互西來其澗自烏溪即慈湖溪北流有六壩

蓄水溉田可千畝按徐志云山周廣六十八里高六十

花西北諸山皆謂之章山今考之士人殊多不合存參

雙塘嶺在長山西有澗自深陽來注慈湖溪有橋曰長安

橋

磨盤山在長山北

晨山在縣西南八十里山自長輿北出深陽境而左旋復

入本邑特起晨山西為西瑤界盧忠肅公墓在焉

潘山在晨山東北

白塔山在晨山北

下山在晨山北

蔣山在白塔山北

俞山在蔣山北平中突起二山流水環之東曰小俞西曰

大俞與魯山對峙為金泉諸山水口其下有港通深陽

戴埠

靜樂山在縣南三十里君山之東麓有禪寺景物甚幽

重刊宜縣志

卷一

山川

十一

甌山在川埠西榭嶺東南名東甌山唐志云由甌山過榭

嶺則為君山今有甌山庵與靜樂寺同隸均上八岡梁

子雲贈弘海師遠山詩忽聞甌山侶萬里自相親沈參

晚霖春山學晴雲新唐僧清塞宿畫上人房詩云別來

嵩沈斜月孤燈照落泉使嶺在縣南二十五里舊稱君山最高而嶺為之東導有

承使之象故名

榭嶺在君山東多榛栗

下馬嶺在縣南十五里山蹊巖險過者解鞍又有上馬嶺

相距半里山徑傾仄相類

下山在縣南五里一名霞山又名暇山來自使嶺連互龍

docsriver 文川网
入驻商家 古籍书城

在文川网搜索古籍书城 获取更多电子书

潭篠嶺諸山其下支壑甚多類多名塚孫鴻慶儀舟有詩云蘿牽籬幕

翠葉傾柳堆紅宿鳥來還去微泉咽後通

上山在下山西十數里之內而支脈則皆自南來任源

山水志小序云君山稍北而東出至於白家山未至白家山右旋北出則為龍潭篠嶺諸山

香山在縣南三十五里按香山村在均山鄉六十五都真甚遠而舊志云與蘭山相接是以蘭山南之香山嘴當之已隸長興非境內之香山也

龍山在縣南五十里下有武陵洞

磬山在縣南五十餘里湖浹西南二十里中有禪院明天

啟開天隱和尚建

垂脚嶺在縣南六十里入長興忻溪界十道志云行人陟

嶺多重趺一名懸腳嶺

積石塢在水西澗南多勇姓

白家山在縣東南二十里為君山之東峯

駱家山在烏墅寺南

烏墅山在滄浦山南有寺

廣福山在滄浦東

滄浦山在龍潭東明萬曆三十五年建七級浮圖名承雲塔

塔

梅林山在下山東

龍潭山在篠嶺東

縣嶺在篠嶺北

篠嶺在縣東南五里有三塢前後連互

銀樹嶺在縣東南十里

壽山一名陽山在廣福東

穿石山一名蛟山又名洞山在縣東南二十里詳名勝

石灰山在丁山西南

丁山在縣東南三十五里有甯相公墓或以為甯戚

黃龍山在丁山東

青龍山在黃龍山東產黃石者曰黃龍山產青石者曰青

龍山二山相近

重刊宜興縣志

卷一

山川

廿

蜀山在縣東南三十八里一峯屹立水環其麓亦名獨山

崑崙山自南而北至張澤橋入東溪羣山皆在河西惟

獨山在河東山麓有東坡書院

頤山在縣東南三十五里唐陸希聲退隱於此謂此山東

走震澤有頤之象故名著二十有七詠記臺池泉石林

木之勝宋嘉祐中令趙文昌刻石縣圖

松嶺偃月嶺梅花塢俱在頤山

均山在縣東南三十五里東接長興南連廣德重山複嶺

頗易匿瑕

唐貢山在縣東南三十五里臨崑崙溪以唐時產茶入貢

故名金沙泉即在其下唐杜牧題茶山詩山實東南

亦仙才溪盡停聲神旗張卓翠峯柳村穿窈窕松湖波

喧庭等級雲峯峻寬平洞府開拂天開笑語特地見樓

翠泉嫩黃金湧牙香紫壁裁拜章期日輕騎疾奔雷

舞袖嵐侵濕歌聲谷谷迴馨清蕙葉鳥雪曉照潭梅好

是全家到兼為奉詔來樹陰香作帳花從落成堆景

物殘三月登臨愴一杯重遊難自勉俯首入塵埃

張公山在縣東南五十五里山巔空穴到底郭璞註云陽

羨有張公山洞中有南北二堂故老傳云張道陵居此

求仙詳張公洞

會仙巖在張公洞側百餘步孤峯壁立若雕琢然詳名勝

金晶巖在張公洞西南二里許詳名勝

紅嶺在湖汶南十餘里山多映山紅花開時遍山盡赤一

作洪林山

大成山一作大乘一作大城在湖汶渚西八里下有洞旁

有庵儲大文記云大乘寺適當龍池磬山中行者得憩

焉

啄木嶺在縣東南七十里唐湖常二守貢茶相會之地

大湖山一名南山在縣東南五十里上有金雞墩內有洞

可藏二三十人夏瑣詩雨歇捲疏簾嵐收見孤嶺丹浮

荷翻影自雲何處

蜃氣明翠接波光迥露花松墜香風葉

來半掩青螺頂

楚山在縣東南五十里與大湖山連互而西挺然特出

蘭山在縣東南五十里麓周一十五里輿地志云石蘭山

斗入太湖五里南曰大蘭山北曰小蘭山舊多產蘭故

名石麓入湖中謂之蘭座旅舟多罹其險明宏治閒沈

亞卿暉夫人捐米二百石鳩工運石築高壘以為標望

行者知避至今德之項懸詩透迤石蘭渚雨香濕欲

滴念被種蘭人徘徊日將夕

義山在縣東南六十里東臨太湖有義鄉城廢址南入長

興界

子山在蘭山西北

湘子嶺在鳳川

鏡臺山在縣東南六十五里鳳川西南大埠頭

九里山在縣東九里

段岡山在縣東十里臨東溪上山麓多巨石風水相搏湍

流較急舟行至此多罹其險

計山在縣東北二十五里俗作岳山山巔有龍池宋時築

龍祠於其上蔡肇詩云南山麓天作鼓鑪名諸龍盡

行雨惟有禿角最先到潑墨雪中雪舞

金鷲山在岳山東昔有金鷲飛集唐改義興為雋州以此

虞山在縣東北二十里岳山東舊志云曾

產連理木

挂弓山在岳山東

保安山在岳山東南有寺

玉天山在保安山前

李山在縣東北三十五里岳山東北有李山禪寺